

# საქმეები

ფასი ერთი შაური
_____
წლიური ფასი სამა მან.
_____
წელიწადი მეოთხე.
_____

საქმეების კვირული გაზეთი

კვირა, 17 ივლისი 1911 წელი

რედაქცია უძორხაღესად სთხოვს ხელის მომწერლებს და მ.მ. ბლადოჩინებს გაზეთის წლიური ფასი დროზე დაეგაძველონ.

ყოველ-კვირულ გაზეთ

## შინა უ რ ს ა მ მ ე ბ ე ბ

თაღო-კაზაკის შესახებ № 17). და თბილისში გამოცემულთან სომხ-ხან ბაზარში, სომხანდის შუშის მფლობელი, გამოცე ყოველ თვეში ოთხი ნომერი, მმ. ხელის მომწერლებს ეთხოვო გაზეთის ფასი მთელი წლის ერთად გამოგზავნონ.

წლიური ფასი: 3 მანეთი. | ნახ. წლით: 2 მანეთი და 10 შაური. | ადრესი: ქუთაისი: „შინა უ რ ს ა მ მ ე ბ ე ბ“ რედაქცია.

შინაარსი: 1) სიტყვა ებ. ლონდისა, 2) არის თუ არა პროგრესი? 3) სიტყვა დეკ. მ. ტეშა-დაძისა; 4) (ნუ ვეშინია!) არხ. ნესტორისა; 5) აუსრულებული ანდრძი — ხელისა; 6) წერადი ჭიათურისა — შემთხვევით ჭიათურისა; 7) კვირიდამ-კვირამდე; 8) გამარჯვებაც ზოგჯერ დამარცხებას — Fanius-ისა.

### ეპისკოპოს ლეონიდან სიტყვა,

თქმული სიონის ცაძარში ანდრძის წესას შესრულების წინ.

სიკვდილი ცრემლისა და მწუხარების წყარო და მიზეზია; კუბო ჩვეულებრივად გულს ეკლავს კაცს და შიშის ზარსა ჰგერის მას. მაგი ძაძა, უნუგემო ოხერა-ტირილი, მოღუნება სულითა და სასოწარკვეთილების უფსკრულის პირამდე მიღწევა — ესენია ჩვეულებრივი თანამგზავრები კუბოსი და სიკვდილისა!

მაგრამ რომელიმე მოვლენის სიბზირე და ჩვეულებრივობა ამ მოვლენის ხასიათის უცვლელობისა და აუცილებლობის ბეჭედი როდია. არა, შესაძლოა, რომ ათას შემთხვევაში ჩვეულებრივი მოვლენა ზოგჯერ განსაკუთრებითი ხასიათის მოვლენად გახდეს, შესაძლოა, რომ ჩვეულებრივმა მოვლენამ ათასში ერთხელ სული ახალი, გამოწაკლისის თვისება მიიღოს.



სიკვდილსა და კუბოსაც, მიუხედავად მათი საერთოდ საჩარელი ხასიათის, ხანდისხან სრულებით ეკარგებათ ხოლმე სამძიმო და კაცის გულს შემადრწუნებელი თვისებანი. ზოგჯერ სიკვდილი კი არ გვაჩანავს, კი არ გვაშორებს ერთი მეორეს და არ გვაუძღურებს, არ გვაქუცმაცებს, ჯანსა და მოქმედების უნარს კი არ გვაკლის და არ გვაუსუსტებს, პირიქით, უფრო მკვიდრად გვაერთებს, უფრო მძლავრად გვაკავშირებს ერთი მეორესთან, უფრო ცხოველათ გვაგრძობინებს ხოლმე ერთმანეთს შორის ნათესაობას და სიახლოვეს სისხლით, ხორციით და სულითა, ერთი ეროვნების შეილობას, ერთი მეორის ძმობას და მოყვასობას. ზოგიერთი პირების გარდაცვლის გამო ცოცხლებს უორკეცდებათ ზნეობრივი ძალა და უძღვრდებათ ხოლმე შრომისა, მხნეობისა და მოქმედების უნარი.

ხანდისხან კუბო თითქოს აცისკროვნებს ხოლმე ზოგიერთა მიცვალებულებს; თითქოს მხოლოდ კუბო არღვევს ხოლმე იმ შუა კედელს, რომელიც მიცვალებულის სიცოცხლის დროს ჰფარავდა ჩვენგან მისი გონების სიღრმადს, სულის სიმაღლეს და ზნეობა-მოქალაქობის მომხიბლავ სიღამაზეს. ზოგჯერ მიცვალებულები კუბოდან უფრო მძლავრ, უძღვევლ და დიდებულ მოძღვრად გამოიყურებიან ხოლმე, ეიდრე სიცოცხლეში გვეჩვენებოდნენ და ასეთ ჩვეულ გვამთა დასაფლავებას ერი უფრო დღესასწაულოვს ხოლმე, ეიდრე გლოვობს.

ასეთთა სწორეთ დავით ზაქარიასძის სიკვდილი და კუბო.

დავითს სწორედ სიკვდილმა ახადა ფარდა და ცხადად წარმოგვიდგინა მისი სულიერი გოლიათობა, მისი გულკეთილობის ბუმბერაზობა, მისი კაცობის დიდობა! რითაა სამკლოვიაროვს დიდებული სანახაობა, სადაც უმწერო ქვრივი და ბეჩაფი ობოლი, წელში გახრილი მუშა და საცოდაფე გლეხი, სახელოვანი სოფდაკარი და უბრალო მწვერბილზე ნოქართან ერთად, მოსივლენ, მასწავლებელი და დიდება- მოხვეჭილი

პროფესორი, მოხელე და მოქალაქე, რუსი, ქართველი, სომეხი, ოსი და მუსულმანთა ერები სულით და გულით შეერთებულნი, თავს ევლებინ ამ ბრწყინვალე კუბოს და არ იციან, ეინ ეის აჯობოს მიცვალებულისადმი პატრიარქის გამოთქმაში! კუბომ ახადა დღეს დავითის საოცარი სულიერი სიმდიდრის სკივრს თავი და ჩვენ ვერ დავმკობარვართ ამ სიმდიდრის ცქერით!

როგორც მშენიერი, ყველაფრით სრული და იდეალური ნაყოფი ხისა იზიდავს ყველას გულს, ისე დავითის სულიერი მშენება ატყვევებს კაცების ყველა ეროვნებათა წარმომადგენლების სულსა და გულს, მაგრამ ნაყოფი ყველაზე უძვირფასესია თითონ პატრიარქისა დავითის და დავითიც, როგორც იდეალური ნაყოფი ქართველი ერისა, შეუდარებლად ძვირფასი, საყვარელი, სასურველი და სასიქადულოა ჩვენთვის, — ქრთველენსათვის, — როგორც მისი მახლობლებსა, მისი ჩამომავლობის, მისი სისხლის და ხორცის მქონებელთა, მის სულიერ თვისებათა მეკვიდრეთათვის.

კვესი რომ ტალს მოხედება, ნაპერწკალი გავარდება. შეუძლებელია დღეიდან, რომ დიდებული დავითის საფლავი არ გადაქმნას საქართველოს გაგებული შეილებსათვის ფოლიადით ნაწრთობ კვესად და არ გამოიწვიოს ხოლმე მათშიაღ დავითისებური კაცთმოყვარებისა, სიქველისა, საქმიანობისა და გონების განვითარებისადმი ჩიზიდულობის ცხოველი ნაპერწკალი.

დავითისთანა კაცები არასოდეს არ კვდებიან! მის, უკუაგდე უსარგებლო ტირილი, და გაიხარე დავითის უკვდავებით ჯერ შენ, დავითის სასიქადულო მკუდლვე და ლირსეულო ქართველო მანდროსანო, ეკატერინე და შერე თქვენ, დავითის მახლობელო ნათესაენო, მეგობარნო, ნაცნობნო და პატრიარქისმკვიდრნო. გულითადი მადლობა შევწიროთ ყველაჟ, ძვირფასნო მსმენელნო, მეუფესა ღმერთსა, რომ ჯერ კიდევ ჩვენი მწყალობელი ყოფილა იგი, ჯერ კიდევ საამონი ვყოფილვართ მათთვის რა-

დგანც გამოაჩინა ჩვენში ისეთი იშვიათი ბუ-  
 ების კაცი, როგორც იყო ღვეითი, ახლა კი  
 საღმ. ო. მხიარულებით და მხურვალე ლოცვა—  
 კურთხევით გავსტუმროთ ძვირფასი დავთი  
 ზეციერი მამისკენ, რომელიც სიხარულით  
 მივლს მას, რადგან ღვთისაგან მიღებული  
 ხუთი ქანქარი კეთილად ამოქმედა მან იცო-  
 ცხლებში და ათ ქანქარად აქცია. ამინ!

## არის თუ არა პროგრესი?

(იხ. № 17 „შინ. საქ.“

რამდენი დაიწერებოდა და დაწერილა კი-  
 დეც ინდოელების და ეგვიპტელების, ასურე-  
 ლების და სპარსელების, ფინიკიელების, ბერძ-  
 ნების და რომაელების ცივილიზაციაზე, მათ  
 ძლიერებაზე, მათ ბრძნულ კანონებზე და დად-  
 გენილებზე, არხიტექტურაზე და მიწის და-  
 მუშაობაზე, მათ დიდებულ ტაძრებსა და სა-  
 სახლებზე, მსწრაფლმავალ გაღერებზე, მათ  
 ომში გამოცდილ ფალანგებსა და ლეგიონ-  
 ნებზე, მათ ბრინჯაოს ვეებერთელა ქანდაკე-  
 ბის ჩამოსხმის ცოდნაზე, როგორც, მაგალი-  
 თად, ქანდაკება როდოსის კოლოსისისა, რომ-  
 ელიც მთელი ქვეყნის სასწაულის სახელს  
 ატარებს და სხ. რა ზომამდე მიახწიეს მაშინ  
 ქსოვის ხელოვნებაში და ფერადების შედგენა-  
 ში? შალი, რომელშიდაც მთლათ ეხვეოდა  
 ეგვიპტელი დედაკაცი, ადვილათ შეიძლება  
 თითის ბეჭედში გაგვეტარებია, მათი ფერადე-  
 ბი არ ხუნდებიან 400 წლის განმავლობაში,  
 და რომ იმათ ჩვენი ფერადები ეხმარათ დიდი  
 ხნით ადრე გახუნდებოდენ. ამის შემდეგ ჩვენ  
 კიდევ იმის თქმას ვბედავთ, რომ ძველ დრო-  
 ში არ იცოდნენ ფერადების შემზადება!

არა ნაკლები ხელოვნები ყოფილან ძვე-  
 ლები ჯავაირჩნობაშია<sup>1)</sup>, როგორც ამას გვიმ-  
 ტკიცებს დოშუროს პირამიდაში ნაპოვნი პრინ-  
 ცესა გოტარ-სუტის განძეულობა, რომელიც  
 (გოტარ-სუტი) ეკუთვნოდა მეთორმეტე დინა-

<sup>1)</sup> ძვირფასი ქვების თლა.

სტიას და რომელიც, მაშასადამე, მეფობდა  
 4000 წლის წინეთ ამ განძეულობათა შორის  
 იპოება შესანიშნავი ხელობის ოქროს მანიაკი  
 თვალმარგალიტებით მორთული, წარმტაცი  
 სილამაზის ოქროს ლოკორტინას ხოკოევი და  
 სხვა ამ გვარი ნივთები, რომლებიც არც ტეხ-  
 ნიკური სსრულოთ, არც მხატვრულის და  
 მშვენიერების გემოვნებით არ შეიძლება მისი  
 განმეორება ჩვენ დროში, რომელიც ასე ძლი-  
 ერ ამპარტავენებს თავის ტეხნიკის პროგრე-  
 სით.

დღევანდელი გამოჩენილი ფრანციელი  
 ჯავაირჩნები მიუხედავთ ყოველი ცდისა, ვერ  
 ახწევენ ოქროს ნივთების კეთებაში ეტრუსკე-  
 ბის (ხალხია) ტეხნიკურ სისრულეს, მაგ. ვერ  
 აკეთებენ, როგორც პირველნი, ბროშკებს,  
 რომლებიც წარმოგვიდგენენ ყვავილზე მჯდო-  
 მაზე ფუტკარს და სხ. ნაპოვნი თავის ქალე-  
 ბი ხელოვნურათ ოქროს შტიფთიკებით ჩაყე-  
 ნებულ კბილებით მოწმობენ მათ დიდ ცოდ-  
 ნას კბილის ექიმობის მხარეში.

რაც შეეხება ძვირფასი ქვების თლის ცოდ-  
 ნას ძველები ამ მხრით სწორუპოვარნი არიან,  
 როგორც ამას მოწმობს დიდებული გეგმა „ავ-  
 გუსტოსისა“, რომელზედაც 12 სხვა და სხვა  
 სურათია გამოხატული სულ მცირე სივრ-  
 ცეზე.

ფარაონების დროს ვეებერთელა გრანი-  
 ტის ნამზღლევეებს აღმასისა და საფიროზის  
 ხერხებით ხერხავდენ, ხოლო 3000 წლის შემ-  
 დეგ აღმასის ბურღვებს, რომლებსაც სან-გო-  
 ტარდის ტონნელის გასათხრელათ ხმარობდენ,  
 აღიდებდენ, როგორც მეცნიერების ახალ გა-  
 მარჯვებას.

აი რას მოგვითხრობს მექსიკის ცივილი-  
 ზაციაზე მექსიკის დამპყრობის კორტეცის თა-  
 ნამშრომელი დიაზი: „მექსიკის მფლობელების  
 სიმდიდრე და სიუხვე, მათი ოფოფის ფრთე-  
 ბით ნაქარგი წამოსასხმელები, ღირებულო სა-  
 თითათოთ 10,000 ოქროთ, ოქროს სერვიზები,  
 წმინდა მხატვრული ხელობის თევზები,—ყვე-  
 ლა ამაებს განცვიფრებაში მოეყავდით ჩვენ,

თუმცა გვენახა სველია და გრენაჟა, ეს ძაღლების ჯამი, რომლებიც ერთი მეორის შემ-  
ქვეყნის მარგალიტები\*.

მართლა უზომო დიდი აზრის უნდა ვი-  
ყოთ თავის თავზე ან კიდევ ბრწყინები, რო-  
უღიერათ ეჩხენიე'დეთ ამოდენ ძლიერ და  
დღებულ ცივილიზაციებს მხოლოდ იმიტომ,  
რომ ჩვენ დავდივართ რკინის გზით, ვვხაენით  
დებეშებს, გვაქვს საყვარი მაშინები და ფო-  
ტოგრაფიული აღმოჩენები. სად არიან დღეს  
ეს ძლიერი სახელმწიფოები, ეს მდიდარი ცი-  
ვილიზაციები? სადაც უწინ იდგა ტროსა, ეს  
ზღვათა მპყრობელი, იქ დღეს მხოლოდ ორი  
მეთევზეთა ქობი ღვას; სადაც წინეთ ნახუქო-  
დორნოსოზის სასახლეებია იდგა, იქ დღეს მხო-  
ლოდ ლომები და ტურები დათარეშობენ.  
მესობრტამია, სპარსეთი და მათი მეზობელი  
ქვეყნება დღეს უმეტეს ნაწილათ უდაბნოე-  
ბათ ქცეულან. ფარაონების ქვეყანაში ცხოვ-  
რობენ ლატაკი ფელაზები თავის ნახევრად  
დანგრეულ მიწურებში. რას იფიქრებდენ კა-  
ცობრიობის დღევანდელ ცივილიზაციაზე ნა-  
ბუქოდორნოსორი, კვიროსი, ალექსანდრე მა-  
კედონელი, რომ მათ შეძლება ჰქონდესთ გა-  
ნიცადონ საცოდავი მდგომარეობა მათი ოდეს-  
ღაც შობიბინე ქვეყნებისა? გერმანელები, ფრან-  
გები, სლოვენება და ინგლისელები, რა თქმა  
უნდა, განათლებული ხალხები შეიქმნენ, მა-  
რამ 450 მილიონი ჩინელი, 180 მილიონი ინ-  
დუსი და ას მილიონზე მეტი აფრიკელი, ე. ი.  
მთელი ნახევარზე მეტი კაცობრიობისა დარჩე-  
ნილია სრულიად პროგრესს გარეთ, ასე რომ  
საუუძველესი გვაქვს ვიფიქროთ, რომ ქუთის (სუ-  
ლის) ძალათა რაოდენობა, რომლითაც ღმერთ-  
მა დააჯილდოვა თავის ქმნილება ისეთსავე უც-  
ვალბებელ ერთეულს წარმოადგენს, როგორსაც  
წარმოადგენს ის ენერგია, რომელსაც დედამი-  
წა ლებულობს მზისაგან და რომელიც უდრის  
217 მილიარდ ცხენის ძალის, — ენერგია, რომ-  
ელიც ვერც მოიმატებს და ვერც მოიკლებს,  
მიუხედავთ იმისა, მოვიხმართ თუ არა მას გზე-  
ბის გასაუმჯობესებლათ თუ ქუჩების გასანა-  
თებლათ, ან სულ არ მოვიხმართ. ისტორია  
ამბობს, რომ იმ ხალხთა ინტელექტუალური

დღე უდგენ კაცობრიობას სათავეში, რჩება  
თითქმის უცვალბებელ ერთეულათ, ყოველთვის  
ყოფილა ქვეყანაზე მაღალი კულტურის მქო-  
ნი ერები, მაგრამ არსოდეს მთელი კაცობრი-  
ობა კულტურული არ ყოფილა.

რაც შეეხება ძველების ქუთაგონების გან-  
ვითარებას, ამ მხრითაც ისინი არ ჩაპოგერჩე-  
ნიან ჩვენ. ძველი ეგვიპტელები და ქალდეე-  
ლები თითქმის ამაღლდენ ერთღმერთობის  
წარმოდგენამდის. ზოგიერთ ძველ ფიცრებზე  
(2500 წლისწინათ ქრისტეს დაბადებამდე), რომ-  
ლებიც ურაში აღმოუჩენიათ, ასეთი სახის  
ჰამნს ეპოლობთ: „ცათა შინა ეინ არს უმა-  
ღლესი? შენ მხოლო ხარ უმაღლესი. ქვეყანაზე  
ვინ არს უმაღლესი? შენ მხოლო ხარ უმაღ-  
ლესი“.

სოლონს, პლატონს, პეტაგორს, პინდარს  
დღევანდელ ბრწყინვალე საზოგადოებაშიაც  
შეეძლიათ თამამათ გამოსვლა და სრულიადაც  
არ დაიკარგებოდენ შიგ, არამედ, წინააღმდეგ,  
ნაკლებ განათლებულობას ვერაინ შესწამებდა  
და თავის ბრწყინვალე აფორიზმებით, პოლი-  
ტიკაზე, ხელოვნებაზე და პოეზიაზე მახვილ და  
საინტერესო მუხაიფთ ჩვენც ისე მოგვიყვან-  
დენ ალტაცებაში, როგორც ოდესღაც თავის  
თანამედროენი მოჰყავდათ. არისტოტელი ყოვე-  
ლად უშრომლათ დაიკავებდა საპატრიო ადგლს  
ჩვენ მეცნიერთა შორის. ჰანნიბალი, რომელ-  
საც ნაპოლეონ I ყველა დროის საუკეთესო  
სარდლათ სთვლიდა, დღესაც გამოიჩინდა თა-  
ვის ნიქს სამხედრო ხელოვნებაში, არხიმედი-  
ტენიკაში, და განა ის ადამიანები, რომელთა  
ცხოვრებაც აგვიწერა პლუტარხმა, რათამე ჩა-  
მოგვივარდებიან ჩვენ? მათი კეთილშობილური  
აზროვნება, ქუთამახვილობა, გამომეტყველების  
ბრწყინვალე ნიჭი, ხასიათის სიმტკიცე და სი-  
მაგრე, — ყველა ეს თვისებები ვხლავ ძვირფას-  
ნი არიან.

დიდ ისტორიკოსს ფონ-ფრანკეს ერები  
დიდ ოჯახებათ მიანია, რომლებიც იზრდები-  
ან, ახწევენ განსაზღვრულ კულტურას, შემ-

დღე კვლევან და მარხავენ თავისთან ერთათ ხანგრძლივ სულიერ შრომის შედეგებ. და, რა თქმა უნდა, არაფერ არ დაიწყებს მი. ტკიცებას, რომ ჩვენ მემკვიდრენი გაუხდით სიქველში ინდოელებს და ეგვიპტელებს, მშვენიერების გრძობაში — ბერძნებს, ნების ძალაში — რომაელებს. „ცნება ჰროგრესი“, აბობს პროფ. გარლცერი, უშინაარსო ცნება არის, რადგან კულტურულათ მომწიფებული ერების ფიზიურათ ძლიერ ბარბაროსთაგან დაპყრობა ისტორიაში კანონათ გადაქცეულა.»

სულის ძალების განვითარების საზომათ მიიღება არა გამოჩნხვათა და გამოგონებათა რიცხვი, რომელიც ჩვენ შეგვიგროვებია მრავალ საუკუნეთა განმავლობაში და რომლის სიმძივის ქვეშ ვკუთავთ და სულს ვღაფავთ, არამედ კჳუს ნიჭი ცნობილ ფაქტათა და მოვლენათა კანონიერ დაფასებაში. ასე, მაგალ., ნიუტონმა სულ უბრალო ყოველდღიური მოვლენის, ხიდან ვაშლის ჩამოვარდნის, მზერით შეიძლო „მიმზიდველობის კანონის“ გამოკვანა, სხვა ნაირათ—ასეთ უბრალო ფაქტიდან უფრო დიდი ფაქტი, უფრო დიდი მოვლენა გამოჩნა, ვიდრე ათასმა დღევანდელმა მსწავლულებმა ბუნების ყველა მოვლენების დაკვირვებისაგან.

და ეს კჳუს ნიჭი სრულებით არ გაზრდილა, რადგან ენა—ეს უქვეშარიტესი მარგენბელი სულიერი ძალებისა—სრულებით არ განვითარებულა: სანსკრიტული, ბერძნული და ლათინური ენები თავის ფორმების სისრულით და ძირების სიმდიდრით დღემდის სრულ ენებათ ირიცხებიან, ხოლო ენის გაფუჭება ძირელ საშიში არგუმენტია კაცობრიობის პროგრესის მოტრფილე თეორიებისა. ჩვენ ვმუსაფიფობთ არა უმეტეს პოეტურად, ვიდრე ფილოსი, არა უმეტეს დრამატიულათ, ვიდრე ელიპი, ვერ ვმეტყველებთ უფრო მოკლეთ და ზედგამოჭრით, ვიდრე ლაკედემონელები და არ შეგვიძლია ისეთი წიგნების დაწერა, როგორცაა წიგნი ქება ქებათა სოლომონისა, ფსალმუნნი დავითისა და წიგნი იობისა.

ეს სულიერი სილიადე ძველებისა საუკეთესოთ კიდევ იმითი მტკიცდება, რომ დღესაც სრულ განათლებულებს მათ ვეძახით, ვინც საუკეთესო წლები თავის სიცოცხლისა და ხარჯა წმიდა ბიბლიისა, ბერძნული და ლათინური ენების, ლიტერატურისა, ისტორიისა და ფილოსოფიის შესწავლისათვის. ძლივს თუ მოიძებნებ ისეთი მოაზრე ადამიანები, რომლებიც დაიწყებენ იმის მტკიცებას, რომ ჩვენ მეტი უფლება გვაქვს კულტუროსნებათ ვიწოდებოდეთ, ვიდრე ძველი ხალხები. უფრო მეტი ავტორიტეტის მექონი მსწავლულნი და მკვლევარნი ფიქრობენ, რომ ფილოსოფიური თვალსაზრისით ჩვენ სრულებითაც ვერ დაუახლოვდით ყოფნის პრობლემებს და ისეთივე უმწეონი ვართ მსოფლიო ამოცანების წინაშე, როგორც ძველნი მოაზრენი და ფილოსოფოსნი.

ცნობილი ვარსკვლავთ მრიცხველი პროკროტი თავის წიგნის დასასრულში ასე ამბობს: „ყველა ამის შემდეგ განა გვაქვს რაიმე საფუძველი იმის დასამტკიცებლათ, რომ ჩვენ უფრო სრულათ გამოვიკვლიეთ მსოფლიო, ვიდრე ძველმა ვარსკვლავთ მრიცხველებმა? ჩვენ ვიცით ბევრი, რაც მათ არ იცოდენ, ჩვენ ვიფიგებთ ბევრი რამ, რაც მათთვის გაუგებარი იყო, მაგრამ ვარსკვლავოსანი ცა იმ სახით, როგორც ახლა ჩვენ მას ვხედავთ, უფრო მეტ საიდუმლოებას წარმოადგენს ჩვენთვის, ვიდრე ძველი დროის ვარსკვლავთმრიცხველთათვის.“

საკითხის წინაშე—რა არის მატერია, ჩვენც იმნაირი უმწეონი ვდგევართ, როგორც ძველი ფილოსოფოსები. ეპისკურის დროიდან, რომლისათვისაც უკვე ცნობილი იყო ცნება მატერიაზე და ძალაზე, შინაგანი არსება მატერიალურ ქვეყნიერებისა სრულებით არ გამოიკვეულა და ვასაგები არ გამხდარა ჩვენთვის.

(შემდეგი იქნება).



## ს ი ტ ყ ვ ა

დავით ზაქარიაძის სარაჯიძეების დასა-  
ფლავეების დღეს წარმოთქმული სიტყვის  
საკრებულო ტომარში.

ნეტარ არს მდიდარი, რომელმან  
პოვა უნაბრძვილოდ და რომელი უკა-  
ნა ოქროსა არა ვიღოდა. (ისთ ზი-  
რაქი 31, 8).

ღმერთმა მცნებათ დადვა ადამიანს, რომ  
მან ოფლითა თვისითა სკამოს პური. „ოფლი-  
თა პირისა შენისათა უკამდე პურსა შენსა“  
(ბექ. 3, 19). ბედნიერია ის კაცი, ვინც ამ  
მცნებას კეთილ-სვინდისიერათ ასრულებს.  
ყოველ ჟამ კურთხევა უფლისა არს მასზედა.  
მის ნაშრომს ღმერთი არასოდეს არ დასტო-  
ვებს უნაყოფოთ, ყოველთვის ექნება მას საზრდო.  
„მოქმედი ქვეყანისა თვისისა განძღეს პური-  
თა“, ამბობს სოლომონ ბრძენი (იგ. 12, 11).  
თვითონაც გაძღება, უკლებლათ ექნება საზრ-  
დო და იმოდენიც გადაჩება, რომ სხვებსაც  
განუზიაროს.

ხოლო საქირთა ადამიანს ჰქონდეს, გარ-  
და შრომის უნარისა, კიდევ სხვა თვისება  
სულისა, რომელიც მას მაღლა აყენებს და  
საუკუნოდ ხდის უკვდავად. ეს არის კაცთ-  
მოყვარეობა, გულშემატკივრობა, სიბრალული.  
ვინც ამ გრძნობას მოკლებულია, უმჯობესია  
მას არ გარდაემატოს ქონება, თორემ იგი  
გახდება მსხვერპლათ მოპოებული სიმდიდრისა.  
უკანასკნელი მას დაღუპავს, გაუხთება კერ-  
პათ და თვითონ შეიქნება მის ყურმოკრილ  
ყმათ. ამისათვის გვაფრთხილებს მაცხოვარი:  
არ დავემონოთ სიმდიდრეს, არამედ იგი მო-  
ვიხმაროთ კეთილ საქმეებზე (მათ. 19, 23).  
კეთილმოქმედება კი შესძენს ადამიანს ღიღე-  
ბასაც და მშვიდობასაც. „ღიღება და პატივი  
და მშვიდობა ყოველსა მოქმედსა კეთილისასა“.  
ამბობს პავლე მოციქული (რომ. 2, 10).

როდესაც ღმერთი გვაძლევს ჩვენ იმაზე  
მეტს, რაც ჩვენთვის საჭიროა, ეს იმის ნიშა-

ნია, რომ მომეტებული სხვას უნდა მივსკეთო,  
ის ჩვენ არ გვეკუთვნის, სხვებისათვის არის  
დანიშნული, განმზადებული, სახელდობრ  
იმათთვის, ვინც სხვა და სხვა გარემოებათა-  
გან, გარდა სიზარმაცისა, ჩავარდნილნი არიან  
სიღარიბეში. ზარმაცი ღირსნი არ არიან  
შემწეობისა; ამას საღმრთო წერილი გარკვე-  
ვით გვეუბნება: „უკეთუ ვისმე არა უნებს  
საქმისა, ნუცა ჰსჭამონ“ (2 თესლ. 3, 10).  
სხვებს კი, კერძო პირთა, გინდ საზოგადოე-  
ბათა მოვალენი ვართ გაჭირვების დროს ხე-  
ლი გავუმართოთ, მივაწოდოთ, რაც კი რამ  
შესაძლოა ჩვენი მხრივ. შეძლებულს ეუბნება  
დავით მეფე: შენდა დაშთომილ არს გლახაკი,  
ობოლსა შენ ეყავნ მწე (ფს. 9, 35). და თუ  
არ მოისურვებს ვინმე ამ მოვალეობის ასრუ-  
ლებას, იგი ხდება პასუხის ჰგებელათ ღვთის  
წინაშე, როგორც მისი მოწინააღმდეგე, კაცთა  
წინაშე კი, როგორც მიმთვისებელი მათი კერ-  
ძისა, კუთვნილებისა. უკეთ რომ ვსთქვათ,  
სიმდიდრე ჩვენი ღვთისაა „სიმდიდრე ჩემი  
არს“, ამბობს თვით უფალი (იგ. 8, 18).  
იგი არს პატრონი, ჩვენ მხოლოდ გამგებელნი,  
და როგორც გამგებელნი უნდა ვასრულებდეთ  
ჩვენი მეუფის ნებას; „განყიდენით მონაგებნი  
თქვენნი და მიეცით ქველის საქმე“ (ლუკ.  
12, 33).

ყველა ზემო აღნიშნულნი მცნებანი პირ-  
ნათლად და თითქმის ზედმიწევნით შეასრულა  
განსვენებულმა დავით ზაქარიაძემ. სიყრმიდ-  
განვე იწყო მან შრომა. თვისი დაუტყობელი  
მეცადინეობით მან შეიძინა ევროპული ცო-  
ლნა—განათლება. სწავლის დამთავრების შემ-  
დეგ, გატაცებული სამშობლოსადმი განუსაზ-  
ღვრელი სიყვარულითა, გამოეშურა საქარ-  
თველოსკენ და მხნეთ შეუღდა მრეწველობის  
აღორძინებას ჩვენ ქვეყანაში. ღიღებულმა მუ-  
შამ მოიყარა მასთან თავი და მისი ბრძნული  
ხელმძღვანელობის ქვეშ მუყაითად მოეკიდნენ  
ამ ღიღათ სასარგებლო საქმეს. იგი მათთვის  
იყო მასწავლებელი და ხელმძღვანელი და  
მასთან მეგობარი და მამა, რითაც დაიმსახურა  
მათი გულწრფელი სიყვარული. ასეთი მხნე,

უანგარო, უმწიკვლო მუშაკი დიდათ დააჯილ-  
დოვა ღმერთმა, მისი საქმე კარგათ წაიყვანა,  
შესძინა მას სიმდიდრე და მოუხეკა სახელი  
და დიდება.

მაგრამ განსვენებული სახელისათვის და  
დიდებისათვისკი არ შრომობდა; უმთავრესი  
მისი სულის კვათხე იყო კაცთმოყვარეობა, და  
ამ გრძობამ ნება არ მისცა მას ყოველივე  
თვისი მონაგები მარტო თავისთავზე. მოეხმარა  
პირიქით, იმოდონი თავისთავზე მას არ დაუ-  
ხარჯნია, რამოდონიც სხვებზე. ვინ ჩამოთვლის,  
რამოდონი შემწეობა აღმოუჩენია განსვენე-  
ბულს დავით ზაქარისძეს სხვა და სხვა დაწე-  
სებულე ათათვის, რამოდონა ახალგაზრდობას  
მიუღია განათლება მისი შემწეობით როგორც  
საშუალო, ისე მაღალ სასწავლებლებში, რა-  
მოდონა ქვრივობოლს უსაზრდოვნია თავი მი-  
სი სიქველით? განუჩრეველად ეროვნებისა ყვე-  
ლანი მასთან გაბოდნენ, ყველანი ხელს  
უწვდოდნენ და დახმარებას სთხოვდნენ, და  
ისიც მზათ იყო შეძლებისა და გვარად ყვე-  
ლანი დაეკმაყოფილება. თვისი ქველმოქმე-  
დებით მან დაიმსახურა პატივი და დიდება  
მთელ კავკასიის ერთა შორის და ამისათვის  
ყველანი გულწრფელად გლოვობენ დღეს მის  
დაკარგვას; ნამეტურ კი ქართველი ერი, რო-  
მლის სიმშენიერეს ის შეადგენდა, ვითარცა  
აბრაამ, იაკობ, იოსებ და მეფე დავითი  
ებრელებისას; მათსავით, სიმდიდრესთან ერ-  
თად მას ჰქონდა: მართლმორწმუნეობა, სასო-  
ება, კაცთმოყვარეობა და სიმშვიდე. და აი  
ამნაირ ადამიანს ვესალმებით დღეს ჩვენ უკა-  
ნასკნელად.

მშვიდობით დავით ზაქარისძე! მშვი-  
დობით. ბევრი რამ უსიამოვნება მოგვიყენებია  
შენთვის, მაგრამ მოგვიტყვე დაწაშალე.  
თავი გქონდა ჩვენგან მობეზრებული წამ და  
უწუმ ხვეწნით და ვედრებოთა: „მოგვეც და-  
ვით, მოგვეც შეგვეწიე!“ შენც არ იშუბები  
მოცემას, შეშწეობას, რაც კი შეგეძლო, გვა-  
ძლევდი; მაგრამ ჩვენი გული მაინც ვერ შე-  
აჯერა შენმა ქველმოქმედებამ და შენ კეთი-  
ლი გული გტკივოდა, ხედავდი რა, რომ არ

შეგეძლო ჩვენი დაკმაყოფილება, სურვილი  
ყველას დახმარებისა მეტად ძლიერი იყო შენ-  
ში, მაგრამ ამ სურვილს ვერ დააკმაყოფილებ-  
და, რაცა გქონდა ის კი არა, იმაზე ერთი  
ათასად მეტიც რომ გქონოდა. ან რა დაგვა-  
კმაყოფილებს ჩვენ ქართველებს, ქონებ-  
რივ დაქვითებულებს, თუნდც შენისთანა  
ქველმოქმდნი ათასი კიდევ სხვანი გვეყვდნენ.  
მაგრამ რას ვამბობ! არამც თუ ათასი, შენის-  
თანა ჩვენ აღარავინ დაგვრჩენია; ჩვენ მეორე  
დავითი არა გვეყავს და შეიძლება ღიღინასაც  
არ გამოგვიჩინდეს, და აი ეს არის ჩვენი სამ-  
წუხარო და სატირალი მშვიდობით, ჩვენო  
გულუხეო ქველმოქმედო, ნამდილო ქართვე-  
ლო ადამიანო, მშვიდობით! საუკუნოთ იყოს  
ხსენება შენი. ამინ.

დეკანოზი მარკოზ ტყემალაძე.  
1911 წ. იანისის 26.

### „ნუ გეშინია!..“

(რუსულიდან)

(დასასრული. \*)

მამაო! რის გულისათვის ვიტანჯებოდი  
მე ასე ღიღინას, ვწვლობდი, გამოგსცადე ყო-  
ველი მხარე ცხოვრებისა მის მომაცდუნებელ,  
მოაღერსე სიმალიდან დაწყებული ბნელ დაშ-  
ლუპველ უფსკრულამდე?

რის გულისთვის მე არა ერთხელ შეწუ-  
ხებულ გულის აუტანელ ტკივილის გამო მზათ  
ვიყავ ჩემი თავი კლდისთვის მეხეთქებია და  
განმტყინა, ამომეგლიჯა ჩემი საკუთარი გუ-  
ლი და ჩამხრჩვალ ვიყავ შავბნელ წყლის  
უფსკრულში?

ჩემო მამაო! მითხარ მე, რა დანიშნუ-  
ლებას ხედავ, რა აზრს, რა მიზანს უოველივე  
მასში, რაც ცხოვრებაში გამომივილია?

შვილო ჩემო! შენში, როგორც უოველ  
კაცში მომდინარეობდა და მომდინარეობს დი-  
დი წყალი დიდი წყაროსისა, შენ, როგორც

\*) იხ. „ზინ. საქ.“ № 19.

ყოველი კაცი, ბუნებითად ხარ გაგრძელება ღვთისა ცხოველისა, მაგრამ კაცის უმეტრება კაცის ამპარტაუნობა, სიბნელე შეეცადნენ ღორღით აეგსოთ შენი ბუნებითი სასვლელი გზა. და რავედნათაც უფრო გზრეტდენ შენ (ღვთის წყაროს) მით უფრო მძიმე იყო, მით უფრო საწამებელი იყო, მით უფრო ძნელი იყო ჩვენთვის შენი გზის გამკვლევა.

იყენენ ისეთი წუთნი, როცა, სჩანდა, რომ ეს-ეს იყო გათავდა შენი გზა—საკმაოა. უკანასკნელი წვეთი... შეიშრობს ამ წვეთს ქვიშა, და მდინარეს ბოლო მოეღება. ახ, თვით ეს წვეთი ხომ—ღვთის წვეთია.

შებედე გამოგორდა მეორე ადგილას და მიდის, მიდის, მიდის...

მაგრამ ნუ სწუხხარ, შეილო ჩემო, არამედ გიხაროდენ.

შენ ამ წვალეებით გამოიყიდე წვალება შენიანთ იმ ქვეყანას გადაცვლილის სულების, მშობლებისა.

შენ გამოიყიდე მათი ცოდვები.

გახსოვდეს, ისინი ხილული ცხოვრების განვლის შემდგომ, მიხვდნენ თავიანთ შეცდომის საზინელებას, მაგრამ ღონე აღარ შესწევდათ გაესწორებიათ თავიანთი შეცდომა. და თუ რომ შენ შენი ენერგიით, კეთილი მოხუცის ლოცვით, რომელმანც (მოხუცმა) გამკნო შენ გზა ქეშმარიტებისა, არ გადაგეყარა შენი გზიდგან ის ქვეები, რომლითაც მათ, რასაკვირველია, არა განზრახ უნდოდათ გადაეღობათ გზა შენში მყოფ ღვთის წვეთისათვის, მათი გამოხსნის მისაგებელი ოხ რა მძიმე იქნებოდა, ახლა კი შენ განათავისუფლე ისინი...

— მე კი არ განმითავისუფლებია,—ტირილით წამოიძახა მგზავრმა, არამედ ქრისტემ, რომელმანც მე მომიყვანა შენთან.

მამაო, მიმიყვანე მე ქრისტესთან.

—

განკურნებულმა მოხუცმა მახლობელ წყაროში შონათლა მეორე მოხუცი.

დიდათ საგულისხმიერო იყო ცის ქვეშეთ ეს სურათი, სურათი ისეთი კაცის მოქცევისა,

რომელსაც მხოლოდ თავის თავი სწამდა, თვისი ძლიერება, თვისი ამპარტაუნობა.

ორი დღის შემდგომ ისინი მივიდნენ იმ ადგილს, სადაც ახლად მოქცეულს წინაზედ უნდოდა მოსპობა თავის სიცოცხლისა. მივიდნენ და გაკვირდნენ.

იმ ადგილზე გაეშენებიათ დიდი სავანე. მგზავრებმა გამოკითხეს მონასტრის ძმებს იმ მოხუცზე, რომელმანც ოდესღაც გადაარჩინა სიკვდილს ცხოვრებით გზა დაბნეული ქაბუკი და კითხვა-კითხვით გაიგეს, რომ მან დიდი ხანია მიაბარა სული თვისი ღმერთს და მიანდო ერთ მოხუც ძმათაგანს, თუ რომ მას მოიკითხავს ოდესმე კაცი, რომელსაც ამ ნაპირზე უნდოდა თავის სიცოცხლის მოსპობა, გადაეცა მისთვის აი ეს ხელთნაწეი. დღევისაგან ათრთოლებულ სულით მოხუცმა მგზავრმა გაშალა ხელნაწერი, დაიწერა პირჯვარი, დაიჩოქა და ხმამალლა წაიკითხა: «შეილო ჩემო, მე ვიცი, რომ შენ მოხვალ. მაგრამ მართო კი არ მოხვალ, არამედ ქრისტესთან ერთად და ქრისტეს მიერ. ეხლა შენ ყველაფერი გაიგე. ეხლა შენ შეიქმენი დიდ წყაროდ ღვთისა ცხოველისა.

აილე ხელში სახარება ქრისტესი, რომელმანც მოგიწოდა შენ და ეპისტოლენი მისი მოციქულებისა. იგი იმათში თორმეტჯერ იმეორებს სიტყვას «ნუ გეშინია». წადი სოფლად; წადი ავთმყოფებთან, უბედურებისაგან ტანჯულ კაცებთან და ყველგან და ყველასთან განიმეორე მისი დიდებული სიტყვა: «ნუ გეშინია, მხოლოდ გრწამდეს».

და შენც ბევრს იხსნი აუცილებელ დაღუპვისაგან.

ბევრს შეეწევი შეიქმნას ბუნებითი წყაროდ საუკუნო ღვთისა ცხოველისა, ბევრს მისცემ შეძლებას გამოიყიდოს თავის წინაპართა ცოდვები.

«წადი და ნუ გეშინია»... მოხუცი ემთხვია ძვირფას სტრიქონებს. გამოეთხოვა თავის შემთხვევითი მოძღვარს და



მაწავლებელს, რომელმაც, როგორც ატმონ-  
და, მთელი სიცოცხლე შესწირა მაცხოვრის  
სამსახურს ქადაგებით და მომეტებულათ ევე-  
დრებოდა უფალს, რომ მისი წყარო გადაე-  
ყვანა სხვა უფრო განახლებულ კალაპოტში:  
ის ღარსა სავანეში; ხოლო მისგან მოქცეული  
ხნით მოხუცი, მაგრამ მის მიერ მიღებულ  
ქრისტეს სარწმუნოებაში ახალგაზდა და მხე,  
წავიდა სოფლად, რათა თამამდ და ხნედ უთ-  
ხრას სულით უძღურებს:  
„სურათის ნუ გეშინია, იყავ მორწმუნე სიკ-  
დილამდი და მოგცე შენ გვირგვინი ცხოვრ-  
ბისა“.

ახიშანდრიტი ნესტორ.

(შემდეგი იქნება).

### წერილი ჭიათურისადან.

გაზეთის „შინაური საქმეების“ 11 ნომერში  
წავიკითხეთ მღ. ბესარიონ ვაშაძის ღია წერი-  
ლი, რომელშიაც მოყვანილი იყო სხვა და  
სხვა ფაქტები შესახებ მღ. გერვასი ბარათაშვი-  
ლის საძრახ მოქმედებისა! ჩვენ ვუცდიდით და  
სრული დარწმუნებული ვიყავით, რომ, უკე-  
თუ ხსენებული ფაქტები ქვეშაობრტებას მოკ-  
ლებულნი იყვნენ. მღ. ბარათაშვილი იმავე  
გაზეთის საშუალებით აგებდა პასუხს და იმარ-  
თლებდა თავს მკითხველ საზოგადოების წინა-  
შე. იმავე გაზეთის 13 ნომერში წავიკითხეთ  
მღ. ბარათაშვილის წერილიც, ვითომც პასუ-  
ხი ზემოაღნიშნული ღია წერილისა. ვერ დავ-  
ფარავთ, მეტათ გაგვაკვირვა ამ წერაღმა. მის  
მაგიერათ, რომ მღ. ბარათაშვილის თავი ემარ-  
თლებია და სათითაოდ აუხსნა უსაფუძვლოება  
ყოველ ხსენებულ ღია წერილში მოყვანილ  
ფაქტებისა, ის ამ ფაქტებს სრულებით გვერდს  
უვლის და არაფერს ამბობს, იმ მიზეზით ვი-  
თომ, რადგან მღ. ვაშაძე თავის ღია წერილის  
დასასრულში, თანა მოძმე სამღვდლოებას მი-  
მართავს და სთხოვს, წარმოსთქვას თავის აზ-  
როს. შემდეგ განაგრძობს: „მე მზათა ვარ ამ  
ქმათვე მისი სიტყვე საზოგადოებას დაეუმი-

ტკიცო, მაგრამ ნუ ჯერჯერობით პასუხს არ  
გავსცემ მას,“ რადგან ამ საგანზედ ვითომ მე-  
დიატორული განჩინება დადგებო და იქიდ-  
გან სცნობს საზოგადოება ვინ არის ჩვენს შო-  
რის მართალი და ვინ მტყვანო. ამგვარი მღ.  
ბარათაშვილის შეხედულება საქმეზედ, ჩვენის  
აზრით, შეცდომა არის რადგან როგორც ხსე-  
ნებული ღია წერილ ის სათაურიდან სჩანს, მღ.  
ვაშაძე ჰირდაპირ მას მიმართავს; „მამაო გერვა-  
სიო“ და არა თანამოძმე სამღვდლოებას! ეს  
ყველასათვის ცხადია მართლაც, როგორც „ან-  
ბანური“ ქვეშაობრტება. და ის გარემოება, რომ  
ღია წერილის, დასასრულში მღ. ვაშაძე მიმარ-  
თავს სამღვდლოებას, წარმოსთქვას თავისი  
აზრი, სრულებით არ ნიშნავს მას, რომ სანამ-  
დის მღ. ბარათაშვილი პასუხს გასცემდეს მის  
ღია წერილზედ, მანემდე სთხოვდეს ის სამღ-  
დლოებას, წარმოსთქვას თავისი აზრი იმავე  
გაზეთის 16 ნომერშიდ დასტამებული მედია-  
ტორების განაჩენიც წავიკითხეთ, რომელიც  
სრულებით არ ამართლებს მღ. ბარათაშვილის  
დაპირებას და საქმის გარეშობას არაფითარ ნა-  
თელს არ ფენს. მედიატორები: აზ. დიმიტრი  
ივანეს ძე აბაშიძე, ბლაღოჩინი იოსებ წერეთე-  
ლი და მღვდელი იოაკიმე მოღებაძე ცნობილ-  
ნი და პატივცემულნი პირნი არიან საზოგა-  
დოებაში და ვფიქრობთ მათ სურდათ, რომ  
არცერთ მოწინააღმდეგე მხარესათვის საზოგა-  
დოების თვალში ბრალი არ დაედვათ. ე. ი.  
„არც მწვადი დაეწვათ და არც სმფურის!“ ეს  
ღიახ ძლიერ კარგი და მოსაწონია ბატ. მედი-  
ატორების მხრით, მაგრამ არ შეგვიძლია დავ-  
ფაროთ, რომ ამ შემთხვევაში ამ გვარ მათ  
ლმობიერებას არ უნდა ქონოდა ადგილი და  
უთუოდ საქმის გარემოებას ნათელი უნდა მო-  
ფენოდა და ბეჯითად უნდა გამოკვლეულიყო,  
ვინ არის დამნაშავე და ვინ მიცა პირველი მი-  
ზეზი კრთმანეთში უსიამოვნების ჩამოვარდნის,  
მღ. ვაშაძემ თუ მღ. ბარათაშვილია?! ეს  
მიუცილებელი იყო, რადგან მღ. ვაშაძის ღია  
წერილს მთელმა მკითხველმა საზოგადოებამ უ-  
რადღებდა მიაქცია. მით უმეტეს იყო კიდევ ეს  
სამკინო, რომ თვით მღ. ბარათაშვილი პირდუ-

ზოდა საზოგადოებას, თავის წერილში: „ყოველივე საქმის სინამდვილეს, თუ ვინ არის ჩვენ შორის მართალი და ვინ მტყუანი, მედიატორების განაჩენიდან სცნობს საზოგადოება.“ რადგან, როგორც ზევით ვსთქვით, მედიატორების განაჩენმა ვერ გაამართლა მღ. ბარათაშვილის დაპირება და იმედი, ამისათვის მოველოთ, რომ ის თავს იმართლებს და თანახმად მისი წერილისა, მისცემს პასუხს მღ. ვაშაძეს და მისი ღია წერილის „სიტყუვეს“ დაუმტკიცებს მკითხველ საზოგადოებას და არ მოგვცემს მიზეზს ვსთქვათ: „სინამდვილე თანხმობის ნიშანიაო!“ შემთხვევით ქათურელი.

1911 წ. 2-ს ივლისს.

### აუსრულებელი ანდერძი.

1899 წელს ივნისის 10 რიცხვს ქუთაისის ოლქის სასამართლომ დაამტკიცა განსვენებულ ბერძნის აპოსტოლ გონდოპულოს ანდერძი, რომლის ძალით მთელი მისი უძრავი ქონება, მისცანგე 10,000 მანეთით დაფასებული. გადავიდა ქალაქ ქუთაისის გამგეობის ხელში იმ პირობით, რომ გამგეობას მამულის შემოსავლიდან უფლებად ათასი მანეთი გაეღო სხვა და სხვა დაწესებულებებისათვის, რომელიც აღნუსხულია ანდერძში და სხვათა შორის ქუთაისის წმ. გიორგის საკლესიო სკოლისათვის უფლებად წელი 200 მანეთი ექცა.

მას შემდეგ ჯერ თორმეტი წელიწადი გადის და ქალაქს სხვა და სხვა დროს 1900 წლიდან დაწესებული გაუღია ხსენებული სკოლისათვის 781 მანეთი, ანგარიშით კა 2400 მანეთი უნდა მიეცა. აქედან სჩანს, რომ სკოლას სვედრი ფულიდან არ მიუღია 1619 მანეთი.

ნუ დავივიწყებთ, რომ გამგეობა ქალაქის სხვა და სხვა უფლებებში აარსებს სკოლებს და ინახავს თავის ხარჯით, ხოლო იმ მხარეში, სადაც ეს ხსენებული წმ. გიორგის სკოლა არსებობს, ამ სკოლის მეტი არაფერი სკოლა არ არის და არც უფროსი ქალაქს მისი დაარსება. არც გორაკებს აღუძრავს საკითხი სკოლის დაარსებაზე და არც უთხოვია ქალაქისთვის სკოლის დაარსება, ვგონებ, იმიტომ რომ აქ უკვე არსებობდა ერთი სკოლა, რომელიც ამაყოფილებდა მსურველთა მოთხოვნას.

კანონიერი იქნებოდა, ქალაქს ამ სკოლისთვის დასმარება აღმოეჩინა თავის საშუალებიდან, მიუღო იგი თავის მფარველობის ქვეშ და ამით ქალაქის ერთი საუკეთესო, მაგრამ ღარიბი კუთხის სულიერი მოთხოვნილება დაეკმაყოფილებია. მაგრამ ქალაქის გამგეობა, როგორც სჩანს, ასე არ მოქცეულა, მას ისიც არ დაუნებებია სკოლისთვის, რაც კანონით მისი იყო და ქალაქის ჯიბიდან არ ამოდიოდა, ე. ი. წაურთმევია სკოლისთვის ის, რაც აურიდიულად და ზნეობრივად მას ეკუთვნებოდა.

ამ საკანზე მისმა შეუფხვამ, იმერეთის ეპისკოპოსმა, შუამდგომლობა აღძრა ქალაქის გამგეობის წინაშე, რომ დახკისა ფული მიეცათ სკოლისთვის, მაგრამ როგორც გავიგეთ გამგეობამ უარით უპასუხა და თან დასძინა, რომ 390 მანეთიდან, რომელიც კონდაპულოს ნაანდერძე მამულს შემოუტანია ქალაქისთვის 1910 წლიდან, წმ. გიორგის სკოლამ შედარებით მეტი მიიღო სხვა კრედიტორებზე 244 მანეთით და 18 მანეთით.

ძნელი დასაჯებელია, რომ კონდაპულოს მამულს წელიწადში 1000 მანეთი წმინდა შემოსავალი არ შემოქონდეს. ჯერ მართლაც ზემო სართული, სადაც დგას ქალაქის საავთმყოფელ მოთავსებული, შემოიტანს ამაზე არც ნაკლებს, ხოლო რაც შეეხება დექნებს, რომლებიც ჯერ არ გამცდნან, ესეინი ხომ ერთიორად მეტს შემოიტანენ. მაშ რა არის იმისი, რომ სკოლას სხვის ნაჩუქარ ფულს უკარგუნდ? იმედი გვაქვს ქალაქის გამგეობა მასუხს გაგვემს.

### კვირიდამ-კვირამდე.

ეს ნომერი დაგვიანებულათ გამოდის, რადგან გაზეთს ბეჭდვა სტამბის მიზეზის გამო ზესტაფონში გადავიტანეთ.

ყოველად სამღვდლო გიორგი ორი თვით საფარაკით წაბრძინდა ბორჯომს.

ლონდონიდან იტყობინებიან: კლექის მკვლევარმა სამეფო კომისიამ გამოაქვეყნა შედეგი თავის ათი წლის მუშაობისა. თანახმად კომისიის გამოკვლევისა იდამიანის კლექის ბაცილები პრაქტიკულად არაფერი არ ფინიჩვიან რქიან ცხოველების ბაცილებიდან. რძით მკვებავ ცხოველებს და აღამიანებს შეუძლიათ ერთმანეთს გადასდონ კლექით

ავათმყოფობა. ცხოველის ქლექის ბაცილები ადვილათ შეიძლება გადავიდეს კაცზე რძის საშუალებით; ეს უკანასკნელი გარემოება ხდება უმთავრეს მიზეზათ ბავშვების ქლექით ავათმყოფობისა. მზგავსადვე ავათმყოფ ძროხისა და ღორის ხორცი თავის მხრით არის ამ გადამდებ სენის გავრცელების მიზეზი. კამისია ბეჯითათ ითხოვს სანოვაგეზე ზედამხედველობის გაძლიერებას.

უფ. ჩერტკოვი, გრაფ ლეონ ტოლსტოის სულის ვიქილი, დაეინებით თხოულობს მის (ტოლსტოის) ხელნაწერებს, რომ ამოგლიჯოს და მოსპოს მათში ზოგაერთი ფურცლები. რა შინაარსისა არიან ეს ფურცლები და რათ სურს ბ. ჩერტკოვს, რომ იგინი საიდუმლოებათ დარჩენ, არავინ იცის. ჩერტკოვის მიმართულება რომ გავიგონია, სწორეთ ექვის თვალით უყურებთ მის საქციელს. ალბათ არ უნდა, რომ გრაფი იმას ლაპარაკობდეს, რაც მას, ჩერტკოვს, არ იამება. მაგრამ გვივივრს, რათ ანგარიშს არ უწევს ბ. ჩერტკოვი იმ გარემოებას, რომ ტოლსტოის ნაწერებს, დღეს დღეობით მიანც, საზოგადო, საკაცობრიო ინტერესი აქვს და მათში კერძო ხელისა და ქულის ფათური ზედმეტია და მიუტევებელი ცოდვა. ჩვენ გვწყურია დავინახოთ გრაფი თავის ჯამში, გრაფა თავისუფალი ყოველივე ჩერტკოვების ზეგავლენისაგან და ასეთი კი იგი მხოლოდ თავის უკანასკნელ ხელნაწერებში იქნება ჩვენი აზრით. იმედია ჩერტკოვს ნებას არ მისცემენ განახორციელოს თავის ბარბაროსული სურვილი.

ამას წინეთ აღდგომის წინა კვირაში ქ. კიევი დაიკარგა 12—13 წლის ყმაწვილი იუშიცკი. რამდენიმე ხნის შემდეგ იგი იპოვეს მკვდარი ერთ ერთ გამოქვაბულში. რადგან იუშიცკის სხეული ნაჩხვლეტ-ნაწამები აღმოჩნდა, ამიტომ მისი მოკვლა სისხლით სარგებლობის მიზნით ურიებს დააბრალეს და ამ წინადაგზე კინალამ „პოგრომი“ მოახ-

დინეს. დღეს საქმემ სულ სხვა მიმართულება მიიღო. აღმოჩნდა, რომ იუშიცკის სახელზე მამას ხაზინაში ფული შეუტანია, რომლის მიღებას რამოდენიმეჯერ სცდილა თურმე უკანასკნელის (ყრმის იუშიცკის) მამინაცვალი და ვერ მოუხერხებია. ყმაწვილის სიკვდილის შემდეგ იუშიცკის მამინაცვალს, პრიხოდკოს, ფული მაშინვე აუღია. გამოძიებელს ექვი მიუტანია პრიხოდკოზედ დაუპატიმრებია; დაუპატიმრებია აგრეთვე მისი ძმა და ორი ბიძა ბავშვიან და კიდევ ერთი ქალი. პრიხოდკო და ერთი ბიძა ბავშვისა—ნეეისკი თურმე ქემმარტ რუსთა კავშირს ეკუთვნიან.

ალაგირში გადასახლებულ 142 კომლ რაქველებს თხოვნა მიუერთევიათ იმერეთის ეპისკოპოსის გიორგისთვის, შემწეობა აღმოუჩინეთ, რადგან ახალი გადმოსახლებულები მეტ ნივთიერ სიფიწროესთან მოკლებული ვართ განმანათლებელ დაწესებულებებს ეკლესიას და შკოლასო. ყ-დ სამღვდლო გიორგის ცირკულიარით მიუმართავს ბლადოჩინებისათვის სამღვდლოებაში შეწირულების შესაგროებლათ. შეწირულება უნდა გამოიგზავნოს მისი მგუფების სახელზე პირდაპირ და არა დეპოზიტით.

ურიგო არ იქნება მღვდლები თავის სამრევლოებში აღძრავდეს ამ საქმისთვის კერძო ქველმოქმედებს, რომლებიც თითო-ორორი ყოველთვის მოიძებნება სამრევლოში. კარგი აგრეთვე იქნება წერა-კითხვის საზოგადოება გაუხსნიდეს მათ ქართველ შკოლას.

პოლონეთის სახალხო დემოკრატიულ პარტია, როგორც გადმოგვცემს გაზ. „Россия“ იმ დასკვნამდის მივიდა, რომ რუსის შკლის ბოიკოტი პოლონელების მხრით ჯერ ისევ პოლონელებს ენებს. პროვინციალურ აქიმების კრებამ ქ. ლოძაში, სხვათა შორის, დადასტურა, რომ ამ ბოლო ხანებში პოლონელ ექიმების რიცხვი პროვინციებში ძრიელ შემცირდა და მის მაგიერ ებრაელი აქიმები გამ-

რავლდნენ, და შემდეგი რეზოლიუციები გამოიტანა:

1) მიუხედავად იმისა, რომ უმაღლესი სასწავლებლები პოლონეთში არ აკმაყოფილებენ პოლონეთის ხალხის მოთხოვნილებას (განსაკუთრებით უნივერსიტეტი და პოლიტექნიკუმი), ხოლო მეცნიერული მხრით იგინი დაბლა დგანან, რაც იძულებულ ჰყოფს პოლონელ ახალგაზდობას ისწავლოს შუაგულ რუსეთის სასწავლებლებში და საზღვარგარეთ, არ უნდა დაეშალოს პოლონელ ახალგაზდობას ვარშავის უნივერსიტეტსა და პოლიტექნიკუმიში შესვლა, რადგან ეს უფრო ხელსაყრელია, ვიდრე მათი რუსეთში წასვლა.

2) პოლონელი საშუალო კერძო სასწავლებლები შესაფერ სიმაღლეზე დგანან. ამიტომ ურჩევთ ყველას ჯერ პოლონური საშუალო სკოლა დაამთავრონ და შემდეგ იზრუნონ სიმწიფის მოწმობის ასაღებათ. მართებლობის გიმნაზიებში.

3) დევნა და ბოიკოტი ადგილობრივ სკოლებში მოსწავლეებისა პარტიას მავნებელათ მიიჩნია და ასეთ მოქმედებას შეუწყნარებლათ რაცხავს.

4) კრება სთხოვს პოლონელ დეპუტატებს იზრუნონ პოლონელ მაღალ სასწავლებლების მეცნიერულ მნიშვნელობის ამაღლებაზე და პოლიტიკის განდევნაზე იქიდგან; კერძოთ იმაზე, რომ მართებლობამ მოხსნას თავის ბოიკოტი პოლონურ მეცნიერების წინააღმდეგ, მისცეს პოლონელ საშუალო სასწავლებლებს უფლებები და დაიფაროს იგი მართებლობის დეზორგანიციისაგან.

გამოცხადებულ იქმნა უმაღლესათ დამტკიცებულ კანონები შესახებ ეპარქიალურ სარევიზიო კომიტეტებისა. კომიტეტებს ევალებათ ეპარქიაში თვალყური ადევნონ სასულიერო უწყების დაწესებულებლებათა ქონების და ფულის შენახვას და მათ ხარჯვას. კომიტეტები შესდგება თავმჯდომარისა და სამი წევრისაგან; კომიტეტის წევრები ინიშნება სასულიერო სასწავლებლიდან

და სხვა ეპარქიის მსახურთაგან, რომლებიც რომელიმე ფულის შემოსავალ გასავალს არ აწარმოებენ. კომიტეტის უფლებას შეადგენს რევიზია: ადგილობრივ სასულიერო სემინარიისა ნივთიერი მხრით, სავაყებო სასულიერო სასწავლებლებისა რაც შეეხება სინოდის სპეციალურ თანხიდან გადადებულ ფულს, სასულიერო წოდების ქალთა სასწავლებლებისა და ეპარქიალურ ქალთა სასწავლებლებისა. კომიტეტის წევრებს ენიშნებათ ჯამგირი, თავმჯდომარეს 300 მანეთი, ხოლო წევრებს 200 მანეთი სათითაოთ.

კიშინევის ეპისკოპოსს სერაფიმს ბესარაბიის სამღვდელთა თხოვნით უწ. სინოდში პროექტი შეაქვს განსაკუთრებულ ტაპის სასულიერო გიმნაზიის დაარსებისა, რომელშიდაც უნდა მიიღებოდნ მხოლოდ სამღვდელთა შვილები.

ჩვეულებათ აქვთ ხოლმე ზოგიერთებს ახალის წლის შეხვედრად ღვინით და არაკით სავსე ჭიქებით ხელში; დიდ გმირობად მიიჩნიათ ეს ჩვეულება. ზოგიერთმა მღვდელთმთავრებმა, მორწმუნეთა თხოვნით, ამ ჩვეულებას დაუპირდაპირეს ლოცვა და 31 დეკემბერს ღამის 12 საათზე საახალწლო პარაკლის გადინდიან ხოლმე საკრებულო ტაძრებში მრავალმლოცველთა თანადასწრებით. უწმ. სინოდმა ამ დღეებში უქაზებით მისწერა ეპარქიების ყველა მღვდელთმთავრებს ხელი შეუწყონ ამ კარგს ჩვეულებას და ლოცვა ვედრებით შეეგებნენ ხოლმე ახალ წელიწადს.

განსვენებულის სარაჯიშვილის ქვრივმა 500 მანეთი შესწირა სიონის საკრებულო ტაძარს, რომელშიც შესრულებული იყო წირვა და ანდერძის აგება მიცვალებულისა.

მაღე შესრულდება სამასი წელიწადი, რაც რუსეთში მეფობს რომანოვთა გვარი.

სხვა და სხვა დაწესებულებანი ემზადებიან რითიმე აღნიშნონ ეს დღე. ბოდბის წმ. ნინოს დღდათა მონასტრის წინამძღვარს ილუმენიას ნინოს განუზრახავს აღსანიშნად ამ დიდ მნიშვნელოვანის დღისა გააფართოვოს ტფილისში არსებული მეტოქი (პოდგორიე) მონასტრისა და ააშენოს იქ საავადმყოფო, რომელშიაც მიიღებიან ყველა კროვნების და სარწმუნოების ავადმყოფნი. საქართველოს ექსარხოსის ლოცვა კურთხევით უკვე დაარსდა კომიტეტი, რომელიც აგროვებს შემოწირულებებს ამ საგნისთვის. თავმჯდომარე კომიტეტისა ბრძანდება თვით დ. ილუმენია, მის თანაშემწედ კი ბლადოჩინი ქართლის ეპარქიის მონასტერთა არქიმანდრიტი ანტონი.

თფილისის მართლმადიდებელ ეკლესიებს ემატებათ კიდევ ორი რუსული ეკლესია,— ერთი შენდება განსვენებულის ექსარხოსის ნიკონის სახსოვრად—რიყეზე,—ამ ეკლესიის ასაშენებლათ ფული მთელს რუსეთში გროვდება, და მეორე შენდება ნამესტნიკის მეუღლის ხარჯით ვერაზე „მოსკოვსკაია ბალკა“-ს თავზე.

## გამარჯვებაც ზოგჯერ დამარცხებაც.

(პასუხად მ. იერ. ნიკოლაძეს).

გაზეთ „შინაური საქმეების“ მკითხველებს უმეკველია ემახსოვნებათ ჩვენი წერილები, ამავე გაზეთის №№ 12 და 13-ში დაბეჭდილი, შესახებ ჩვენებური არჩევნების უკუღმართობისა. ამასთანავე ისიც ეცოდინებათ, რომ ჩვენ ამ წერილებში გამოვთქვით უმთავრესად და არსებითად საზოგადო შეხედულება ახლანდელ სამღვდელთა და საპრიიდნიკო კანდიდატების არჩევნებზე. ჩვენი განზრახვა იყო და არის, ეს არჩევნები სასტიკ კონტროლის ქვეშ ხდებოდეს და აქ უზნეო და უპატიოსნო საქციელს აღგრილი არ უნდა შექონდეს, რადგან ამგვარი მოქმედება ჯერ არსად, არც ერთს წოდებაში

არ არის შესაწყნარებელი, და მერე ისიც სამღვდელთა შორის. შეიძლება ამგვარი ფაქტებით ამა თუ იმ პირმა გამარჯვება მოიპოვოს, მაგრამ ვაი ამისთანა გამარჯვებას! იგი დამარცხებაზედაც უარესია ხანდახან. ასე იყო მ. იერ. ნიკოლაძის გამარჯვებაც. ჩვენ მის პირიდან ვხევით, მხოლოდ შევხვით, იმდენათ, რამდენათაც იგი საზოგადოების ხმით დაკავშირებული იყო ამ არჩევნებთან და ჩვენს შეხედულებას ამ საგანზე ასე თუ ისე ამართლებდა. მისი პიროვნების დამცირება ჩვენ სახემ არც მაშინ გვქონია და არც ახლა გვაქვს.

როგორც სჩანს გაზეთ „შინაური საქმეების“ № 16, იგი განაწყენებულია და ცოტა შეურაცხყოფილად გრძობს თავს. მამა ნიკოლაძე ხსენებულ ნომერში გამოგვეკამათა და, როგორც მოსალოდნელი იყო გამარჯვებულისაგან შედიდურათ ჰკუთას გვასწავლის მეცა და პატივცემულ რედაქტორს და ზრდილობაზე ლექციას გვიკითხავს. თან გვემუქრება კიდევ. მე პირადად მისი მუქარისა არ მეშინია და, ვგონებ, არც მამა რედაქტორი უნდა გრძნობდეს თავს ისე სუსტად, რომ მის მუქარას გაეჭყეს. ხოლო რაც შეეხება ჰკუთის დარიგებას, უმჯობესია ეს თავისთვის შეინახოს. შეიძლება როდისმე თვითონვე გამოადგეს.

მისი პასუხით კი საქმე ისევ იმ მდგომარეობაშია, როგორც დასაწყისში იყო. იგი ისევ ნისლითა და ბურუსით არის მოცული და ოდნავაც არ ირკვევა. პირიქით, საზოგადოება ისევ უფრო მეტ ეჭვში შედის. მაგრამ მამა ი. ნიკოლაძე ამას ვერ გრძნობს, თუ არ უნდა იგრძნოს, და აჩქარებით თავს იმით მართლულობს, რომ მას ბრწყინვალე „წარსული ნამსახურობა და აწმყო მდგომარეობა“ აქვს, რომ მას „სადაც კი უმსახურია, მხოლოდ სიყვარული და სათნოება დაუმსახურებია“.

ამისი დასამტკიცებელი საბუთი ისაა, რიხიანათ ბრძანებს მამა ნიკოლაძე, რომ ჩემმა მრევლმა გაიგო, თუ არა, რომ მე გადავდივარ და ქუთაისში ერთმა მრევლმა უკვე ამირჩია, მაშინვე დაამხადა თხოვნა და მღვდელ-

მთავართან წამოვიდა, რომ ერთხელ ჩემი მათ მრევლში დატოვება, მაგრამ (დახეთ უბედურებას!) ბლალორჩინმა დუგლაძემ დაარწმუნა ისინი, რომ საქმისათვის ასე სჯობდა და ისინიც დაბრუნდნენ“(!) როგორ მოგწონთ, მკითხველო, ეს მრევლის თავის გამოღება, ქუთაისში გამოგზავრება ინაშოურიდან და ისევე უკან დაბრუნება? ნეტარ-არაინ მორწმუნენი მაგრამ ჩვენ როგორღაც ეს „დამამტკიცებელი საბუთი“ უსაბუთოდ მიგვაჩნა და მის სინამდვილეში ექვი შეგვაქვს. ჯერ ერთი რომ, თუ ინაშოურის მრევლმა მართლა ინება თხოვნის მირთმევა მღვდელმთავართან და თავისი მოძღვრის უკანვე დაბრუნება, იგი უეჭველია კიდევ მიანებდა ადგილობრივ მღვდელმთავარს და ბლალორჩინს დუგლაძეს სრულებით არ შეაწუხებდა. ან რა საჭირო იყო ქუთაისის ბლალორჩინის ამ საქმეში ჩარევა?! თუ ეს ნამდვილი და გულწრფელი განზრახვა იყო მრევლის მხრით, ჩვენის ფიქრით, იგი თავის ადგილობრივ ბლალორჩინს უფრო შეეკითხებოდა ამ შემთხვევაში, ვიდრე ქუთაისის ბლალორჩინს, თუმცა საჭიროება არც ერთს მოითხოვდა და არც მეორეს. მრევლი თავის გზას უეჭველად გაიგებდა. მაგრამ აქ ვილაყის მზრუნველი და ხელმძღვანელი ხელი ამოქმედებდა მრევლს და ისიც შემცდარა, რომ მღვდელმთავრამდი არ მისულა. განა უმჯობესი არ იქნებოდა, ყველაფერი მღვდელმთავარს შეეტყო? განა უფრო მეტ შთაბეჭდილებას არ მოახდენდა და თავის მიზანს საესებით შესრულებდა ეს მრევლის მოგზაურობა ინაშოურიდან ქუთაისამდე?! დიახ, ჩვენ გვგონია, შემცდარია მამა ბლალორჩინი დუგლაძე, რომ მრევლი გზიდან აუცდენია, რაღაცაში დაურწმუნებია ისინი და უკანვე დაუბრუნებია.

ასეა თუ ისე, ჩვენ ისეთი გულუბრყვილო არა ვართ, რომ ამ გვარ ლათაიებს ვენდოთ და მრევლის მოქმედება ამ შემთხვევაში გულწრფელად ჩავთვალოთ. აქ ერთგვარი იმერული ფანდი იყო მამა ნიკოლაძის მხრით თავის სახელის გასაკეთებლად და საქმის მოსაკვარაჭინებლად, მას უნდოდა ამით შეძენილ კენჭებ-

თან ერთად მეტი უპირატესობა ჰქონოდა სხვა კანდიდატების წინაშე, მაგრამ ეს ალბათ საკიროც აღარ შეიქნა. დიახ, ეს ერთგვარი იმერული ხრიკი იყო იმ წმების გასაბათილებლად, რომელნიც დიდი ხანია ქუთაისის საზოგადოებას აღელვებდა და ალბად მამა ნიკოლაძემ დინაც აღწევდა. თადარიგი, რა თქმა უნდა, ყოველ საქმეში კარგია და აქაც კარგი გამოდგა. მამა ნიკოლაძეს ამით მეტი ფასი და იერი მოემატა და სხვა მისთვის არც საჭირო იყო, ვწუხვართ კი, რომ თხოვნა თავის გზას ასცდენია, თუ ძალად აუცდენიათ!

არც ის არის დასაჯერებელი, რომ ვითომც მ. ი. ნიკოლაძემ მღვდლობის ადგილი ქუთაისში კაი ნაცნობობით მიიღო. აი რას ბძანებს იგი ამის შესახებ: „მე მასწავლებლობა გავატარე ამ ეკლესიის სამრევლო სკოლაში, (მ) თავარ დიაკვნათაც ძვევ ვმსახურობდი რამდენიმე წლის განმავლობაში, ეს მრევლი მე მიცნობდა, იცნობდა ჩემს ზნეს, ხასიათს, მიმართულებას და აბა რა გასაკვირველია, რომ უცნობთ მე, ნაცნობი, მიჩიეს. ნუ თუ ეს მატყვი არ არის ამომჩვეველთათვის?“

დიახაც რომ მოტივია და კაი მოტივიც თქვენმა მზემ, მაგრამ განა მართა ამ ნაცნობობით გათავდა საქმე?! თქმა ყველაფრის შეიძლება, რადგან ენას ძვალი არა აქვს, მაგრამ ენას სინილისი უდებს საზღვარს. თქვენც როცა ლაპარაკობთ, სინილისს დაეკითხეთ ხოლმე, თორემ ისე ლითონი სიტყვები მე რომ დავიჯერო, განა სხვა კი არ დავიჯერებს, ვინც ამბავი იცის? არა მგონია და არც არავისა სჯერა ეგ თქვენი ნაცნობობა და შეგობობა, რაც გამოაშკარავდება კიდევ თავის დროზე.

არ სჯერათ, მამაო, ეგ თქვენი დარწმუნება, რადგან ბევრს ჯერ კიდევ კარგათ ახსოვს თქვენი ამ ეკლესიაზე მთავრად კურთხევის ისტორია და მასთან კარგად იცნობენ, რა ფასისაც არის ეგ თქვენ მიერ ქებული ზნე-ხასიათი და მიმართულება. მაშ ეს ასე არ არის?! თუ ასე არ იყო, რად დაგჭირდით მიგემართათ ზოგიერთ არა საკადრის საქციელისათვის? თუ მართო ნაცნობობა კმარიყო, რათ შეუდგეით

წინასწარ სამზადისს წლისა და ნახევრით აღ-  
რე? რატომ აწერინებდით ხელს ყალბ განჩინე-  
ბაზე და ამით მრევლს თქვენკენ იბირებდით  
წინდაწინ და შეცდომაში შეგყავდათ? განა  
ამის უარის ყოფა შეიძლება? ბოლოს მაინც  
როცა კენჭის ყრის დრო მოახლოვდა,  
ყველაფერი გამოაშკარავდა. გამოაშკარავდა  
რომ არც ისე კაი და მტკიცე მე-  
გობრობა და ნაცნობობა გქონდათ მრევლთა  
შორის, როგორც გეგონათ. მაშინ კი თქვენ  
და თქვენმა აგენტებმა სხვა ხერხს მიმართეთ  
მეკენჭეების გადასაბირებლათ და გაიმარჯვეთ  
კიდევ. ღვინო და პური ახარებს გულსაკაცი-  
სასაო, ნათქვამია და ეს თქმულობა საესებით  
გამართლდა იმ არჩევნების დროს, დიახ, მხო-  
ლოდ ამით აიხსნება თქვენი გამარჯვება, რაც  
ყველას აღელვებს, და მე როგორც გაზეთის  
თანამშრომელს უფლება მქონდა ეს გარემოება  
გაკვრით აღმენიშნა გაზეთის ფურცლებზე.  
თქვენ კი რაღაც ეტიკაზე ლაპარაკობთ და  
ყველაფერი ცილის წამებად და ქორებად მი-  
განჩინათ. ამისათვის მემუქრებით კიდევ. იყავნ  
ნება თქვენი. მაგრამ იცოდეთ, რომ გამარ-  
ჯვებაც ყოველთვის ნამდვილი გამარჯვება არ  
არის. ზოგიერთ შემთხვევაში იგი დამარცხე-  
ბაზე უარესია, რადგან გამარჯვებას ყოველთ-  
ვის ზნეობრივი საშუალებები უნდა უმშვენებ-  
დნენ მხარს თუ გამოტყდებით თქვენ დამარ-  
ცხებულთა შორის უფრო ჩაითვლებით, ვიდრე  
გამარჯვებულთა შორის. სხვა თქვენს ადგილ-  
ზე ასეთადაც ჩარიცხავდა თავის თავს და,  
სამღვდელოების პატივსაცემად, შეინანებდა და  
ბოდის მოიხდიდა საზოგადოების წინაშე.  
მით უმეტეს, რომ თქვენ ამ ქამად მაგრად  
დგახართ თქვენს ადგილზე და საფრხე არ  
საიდან მოგვლით. მაგრამ, როგორც ვხედავ,  
თქვენში ამოდენა მოქალაქობრივი გამბედაო-  
ბა არ ყოფილა! პირიქით თქვენ ცდილობთ  
საქმე მიაფურჩოთ, რომ საზოგადოებამ მისი  
ასავალ-დასავლის არაფერი იცოდეს. ამას ისიც  
მოწმობს, რომ თქვენ საქმეს უფრო იქითკენ  
ვხივდებით, საიდგანაც გამორკვევა მოუხერხე-  
ბელია და შეუძლებელი დღევანდელ პირო-  
ბებში.

„სად გაგონილოა, ბძანებთ თქვენ, რო  
ბრალდებულმა დაამტკიცოს რომ ამდენი  
„რომ“-იც აღარ გამოგონია! ის დანაშაურო  
(თუ დამნაშავე?) არ არის, ბრალდებულს შე-  
უძლია სულ გაჩუმდეს“. გაჩუმება რა თქმა  
უნდა, ადვილია და ხელსაყრელიც, მაგრამ  
იცოდეთ, რომ გაჩუმება თანხმობის ნიშნად  
არის მიჩნეული. ამასთანავე უეჭველია ისიც  
გაგონილი გექნებათ, რომ სასამართლოში  
ყველაზე უწინ ბრალდებულს შეეკითხებიან და  
თავის გ სამართლებელ საბუთებს მოსთხოვენ.  
ბრალდებულის ან გამოტყდება და შეინანებს  
და მაშინ სასჯელიც უმსუბუქდება, ან და  
თავის გასამართლებელს საბუთებს წარმოუდ-  
გენს სასამართლოს. ხოლო თუ გაჯიუტდა და  
არაფერი სთქვა, ეს სახეში აქვთ მოსამართლე-  
ებს სასჯელის გადაწყვეტის დროს. ამის შე-  
სახებ კანონმდებლობაში ცალკე მუხლებიც კი  
არსებობენ, ხოლო თქვენ კი ამას ისე ბძანებთ,  
თითქოს ახალი ამერიკა აღმოგჩინოსთ. ესეც  
თქვენი ნებაა. თქვენ შეგიძლიათ ყველაფერი  
უარ ჰყოთ და თქვენი თავი უმანკოთ დასა-  
ხოთ, მაგრამ ხომ გაგიგონიათ ერთი ძველე-  
ბური თქმულება: „ვინც იცის, ხომ იცის,  
ვინც არა და ცერცვი ჰგონიაო“.

ამით ვათავებ ამ ქამად თქვენთან პასუხს  
და სანამ არ გამოირკვევა გადაჭრით, რა გზით  
გაიჩრჩეს საქმე და ვის მიენდოს მისი გამოძიე-  
ბა, ჯერ-ჯერობით ფაქტების დასახელებაზე  
უარს ვამბობ. უარს ვამბობ არა იმიტომ, რომ  
ვითომც სიმართლეს გაურბოდე, არამედ ცო-  
ტა დაბრკოლებას ვხედავ ერთ გარემოებაში და  
რომ წყლის ნაყვა არ გამოვიდეს, სჯობს ცო-  
ტა მოთინება იქონიოთ. აქ ისიც უნდა მო-  
გახსენოთ, რომ მე მხოლოდ სამედიატორო  
სასამართლოს თანხმა ვარ, თუმცა მაინცა და მა-  
ინც არც ისეთი დიდი იმედი მაქვს მისი, მაგრამ  
ყოველ შემთხვევაში მას უფრო მეტათ ვენდობი.  
1911 წ. 6 ივლისს.

Fanius.

რედაქტორი, მღვდელი სიმონ მთაწმიდა,  
გამომცემელი იოსებ ლეშავა.